




BIBLIOTHECA
UNIVERSITATIS
JAGIELLONICAE
CRACOVENSIS


~~Mag. St. D.~~
39049


Mag. St. D. I



39049

I








39049

I

P

*... Benedicti Papae XIV.
Allocutio habita in comitiis generalibus
fratrum Ord. Praedic. in conventu S.
Mariae super Minervam celebratis
V nonas Junii 1756.*

Fest. 2774




SANCTISSIMI DOMINI NOSTRI
BENEDICTI
PAPÆ XIV.

ALLOQUITIO

Habita in Comitiiis Generalibus Fratrum Ordinis
Prædicatorum.

IN CONVENTU
S. MARIÆ
SUPER MINERVAM

Celebratis V. Nonas Iunij MDCCLVI.



R O M Æ

Excudebant Joachimus, & Jo: Josephus Salvioni
Typographi Pontificij Vaticani.

IN ARCHIGIMNASIO SAPIENTIÆ

*Reimpressum autem Cracoviæ Typis Michaelis Dyasewski
Sacri Regi Majest: Typographi.*

SANCTISSIMI ROMANAE ECCLESIAE

kal. jany. 1788

PAPAE XIV.

APPOCUTIO

Isidori Comitis Generalibus Fratrum Ordinis

Prædicatorum


IN CONVENTU

SUMMARIAE



SUPER MINERVAM

Colatum N. Novæ Juss. MDCCCLVI.



ROMAE

Excudebat Joachimus & Jo. Josephus Salvioni

Typographi Bondarii Vanciani

IN ARCHITECTURA

1790

Faint text at the bottom of the page, likely bleed-through or a separate notice.



Agna res agitur in hoc Conventu vestro, Dilecti Filii, cui hodierna die præsidemus; nec modo pro Familæ vestræ rationibus gravissima, sed etiam pro totius Ecclesiæ statu non leve pondus habitura: cui perficiendæ incredibili cum gaudio Nos interesse profitemur, ut omnibus manifestum faciamus gratum, memoremque animum nostrum erga Ordinem vestrum, quem summo ipsius merito jam dudum & amamus & colimus.

Verum, quanta sit agendæ rei magnitudo, silentio prætermittimus; cum nemo vestrum ignoret, cuius momenti sit, Magistrum Generalem Ordinis vestri deligere, cui semel delatum regimen, perpetuum, dum vixerit, futurum erit; cumque unusquisque ex eo splendoris loco, quem Dominicana Familia in Ecclesia Christi obtinet, facile intelligat, illius Rectoris electionem, non ad solam ejusdem Familæ utilitatem, & administrationem referri, sed etiam ad universam Christianam rempublicam ratione aliqua pertinere. Itaque sermonem nostrum redigemus ad ea, quæ Nos Ordini vestro debere cognoscimus, quæque Nos ita jam pridem affecerunt, ut eundem & amare & colere semper professi simus, & adhuc profiteamur; eaque de causa præsentem diem felicissimum Nobis

(IV.)

existimemus, & inter paucos illos adnumerandum, quos sexdecim
hisce calamitosi Pontificatus nostri annis cum aliqua animi volu-
ptate transegitimus.

Et sane, post absoluta leviorum artium studia, cum Sacrae The-
ologiae operam dederimus, non magnos in ea progressus Nos qui-
dem fecisse intelligimus; sed, siquid profecimus, id omne acce-
ptum referre debemus bonae memoriae Cardinali Thomae Ferrario,
clarissimo Ordinis vestri Theologo, qui rectam Nobis nobilissimae
disciplinae viam aperuit, suaeque institutione, atque opera ad in-
ceptum iter persequendum adjuvit; immo, cum Palatii Apostolici
Magisterio fungeretur, Theologicae laurae honorem ipse Nobis
detulit, eaque occasione monumentum scripto exaratum reliquit,
quo de propensa nostra erga sanctiores disciplinas voluntate ho-
nорifice testabatur, majoraque à Nobis expectari posse declarabat,
si, quemadmodum animati tunc videbamur, in instituto curriculo
persistereamus.

Amplam hanc Aulam, in qua nunc confidemus, Nos ipsi à
fundamentis excitari olim vidimus, mox omnigena litteraria supel-
lectile, ornari, ita ut inter insigniores universi Orbis Bibliothecas
merito accenseatur; eandemque postquam studiosorum commodo pa-
tescieri conspeximus, cum primis adire certavimus, & frequentare
nunquam destitimus, donec impositae Nobis alterius generis curae
Nos alio avocarunt.

Longiori autem vitae nostrae cursu, quem, paucis detractis an-
nis, in Urbe egimus, nemo ex sodalibus vestris fuit vel dignita-
te, vel sapientia, & doctrina excellens (fuerunt autem excellentes
permulti) qui Nos omni officiorum genere, & praecipua quadam
amicitiae necessitudine complexus non fuerit. Sed reliqua multa
omittentes, hoc unum commemorabimus, sublimem Cardinalatus
dignitatem, quam immerentes adepti fuimus, eximia erga Nos li-
beralitati sanctae memoriae BENEDICTI XIII. Pontificis Maximi,
& Ordinis vestri olim Alumni, unice à Nobis deberi.

Regressi deinde Bononiam Patriam nostram, vigentem in ea in-
venimus

(V.)

venimus memoriam rerum à Sancto Dominico Patriarcha vestro in ea gestarum; tum scilicet insignium peccatorum, qui assiduis illius concionibus permoti à semita iniquitatis ad viam salutis revocati fuerunt (1); tum virorum doctrina, & sanctitate illustrium, qui in ea urbe sodalitati vestræ nomen dederunt (2); tum etiam Generalium Comitiorum, quæ prima omnium Ordinis vestri ibidem habita fuerunt, in quibus ipsius Ordinis præfectura eidem Sancto Dominico Fundatori communibus suffragiis delata fuit (3); denique cives nostros cum incredibilem animi nostri lætitia perpetuo vidimus obsequiis, & vôtis celebrare sepulchrum Patriarchæ vestri, qui Bononiæ ex hac vita decedens (4); pretiosum ei civitati reliquit Corporis sui thesaurum, quod quidem augusto mausoleo conditum ibidem summa cum religione asservatur. In ipsa vero administratione Archiepiscopalis officii, quod ibi pluribus annis gessimus, oculos sæpe convertimus ad præclara gesta Jacobi Boncambii, qui ex Ordine vestro ad Bononientem Ecclesiam regendam assumptus, tanta in verbi Dei prædicatione famæ celebritate floruit, ut finitimarum civitatum populi, quemadmodum historix nostræ testantur (5); ad illum audiendum, percipiendamque ex illius ore salutis scientiam certatim confluerint. Postquam vero, nihil tale promeriti, ad supremum Pontificatus apicem devenimus, propensa nostra erga Dominicanam Familiam amoris, & cultus affectio, supra quam dici potest, excrevit.

Aposto.

(1) Flaminius in *Vita S. Dominici* lib: 2. fol: 47. & tom: 1. *Annalium Ordinis Prædicatorum ad annum 1219.* num: 37.

(2) Fr: Jordanus in *Vita S. Dominici* n. 35. Flaminius loc: cit: Malvenda in *Annalib: sacri Ordinis Prædicatorum ad annum 1219.* atq; eod: tom: 1. *Annal: Ord: Prædic: loc: citato.*

(3) Die 17 Maij MCCXX. cit. tom: 1. *Annal: Ord: Prædicat: ad an: 1220.* num: 39.

(4) Die 6. Augusti MCCXXI. cit: tom: 1. *Annal: l. Ord: Præd: ad ann: 1221* num: 25 in fine.

(5) Sigonius lib: 2. de *Episcopis Bononiensibus ad annum 1244.*

(VI.)

Apostolicam enim Beati Petri Cathedram tropheis suis exornant tredecim ex alumnis vestris, qui à Romanis Pontificibus, post accuratissimum rerum omnium examen, in Sanctorum numerum relati fuerunt, inter quos Sanctus PIUS V. Prædecessor noster, pro cuius Canonizatione, dum in minoribus constituti, Advocati Confistorialis munere fungeremur, operam, laboresque nostros impendisse gloriamur; & Sancta Catharina de Ricciis, quam Nosmetipsi Sanctarum Virginum catalogo adscripsimus (1); Præterea novemdecim è vestris sodalibus, ejusdem Apostolicæ Sedis decreto, in Beatorum numerum rite cooptatos invenimus: ex his vero decem, vel Nobis, dum Promotòris Fidei munus sustineremus, studia nostra conferentibus, vel Nobis ipsis è Pontificio Throno decernentibus, is honor delatus fuit. Hunc ipsum Apostolicum Thronum quatuor ex Ordine vestro Pontifices ante Nos tenuerunt; videlicet Innocentius V. quem Sanctus Antoninus insigni laudis præconio commendavit (2); Benedictus XI. ex Beatorum, quos innuimus, & Pius V. ex Sanctorum, de quibus diximus, numero, ac demum Benedictus XIII. cujus virtutum, & recte factorum testes Nos ipsi fuimus. Quod si forte reliqua Familiæ vestræ ornamenta, & in Ecclesiam Catholicam promerita ex animo nostro excidere unquam potuissent, hoc tamen profiteamur, nullo unquam tempore evenire potuisse, ut è memoria nostra dilaberetur Theologorum Princeps, Scholarum Angelus, Ecclesiæ Doctor, præclarum Ordinis vestri fidus, Sanctus Thomas Aquinas, cujus doctrinæ complures Romani Pontifices Prædecessores nostri perhonorifica dederunt testimonia (3) quemadmodum etiam Nos ipsi in Libris, quos de variis argumentis conscripsimus, postquam Angelici Doctoris sententiam diligenter scrutando percepimus, atque suspexitimus, admirabundi semper atque lubentes eidem adhæsimus, atque subscri-

(1) Die 29. Junij MDCCXLVI.

(2) 3. part. Chronic: tit: 20. cap: 3.

(3) Tom: 8. Bullarii Ordinis FF. Prædicator: in Tract: de consensu Bullarum tit: 6. quæst: 2, per tot.

(VII.)

subscriptimus; candide profitentes, siquid boni in iisdem Libris reperitur, id minime Nobis, sed tanto Præceptori totum esse adscribendum.

Hactenus, Dilecti Filii, de hodierni operis, cui præfuturi sumus, gravitate, ac de Paterna prorsus benevolentia, & singulari existimatione, qua Ordinem Vestrum iustissimas ob causas superius expressas, aliasque his facile adiiciendas, prosequimur. Reliquum est, ut de ipsa re, quam hic peracturi convenistis, id est de electione Magistri Generalis ejusdem Ordinis vestri, aliqua attingamus. Verum quid unquam afferre poterimus, quod jam probe non teneatis, quodque unusquisque vestrum ab inclito, quem proxime laudavimus, Præceptore Thoma Aquinate non didicerit? Si dicemus, hujusmodi Magisterium ei deferendum esse, qui omnium optimus inter vos habeatur; Si dicemus, non eum esse omnium optimum, qui sola vitæ sanctimonia ceteris antecellat, sed qui præter morum probitatem, quæ quidem necessaria est, aliis quoque virtutibus, atque animi dotibus, ad recte regendam Familiam idoneis, instructus comperiat, nihil porro dicemus, quod in Operibus Angelici Doctoris egregie constabilitum, & à vobis jampridem lectum, adque animadversum non fuerit. (1) Si dicemus, suffragia vestra, sepositis peculiaribus affectionibus, & propriæ utilitatis respectu, nil aliud intueri debere, quam eorum virtutes, & merita, quorum electio vobis animo obversatur, nihil dicemus, quod non egregius Præceptor vester tradiderit. (2) Itaque nil aliud Nobis dicendum superest, nisi, ut id agatis, quod vos Præceptor ille vester agendum docuit, utque tales vos exhibeatis, quales, dum alias electiones ab aliis celebrari audistis, eos se præstare oportere dicebatis, qui in eis suffragium lataturi erant. Quibus maxime rebus Ordo vester indigeat, vobis potissimum debet
comper-

(1) *S. Thomas quodlibet. 8. art. 6. & quodlibet. 4. art: 23. ad duodecesimum, & quodlibet. 6 art: 9. & quodlibet. 4. art: 15 & 22. quæst: 63. art: 2. in corpore.*


(2) *Locis citatis.*


(VIII)


compertum esse. Quis huic sustinendo muneri idoneus, qui supra ceteros ad id aptus, & bene regendi capax videatur, cognoscere vos arbitramur. Ne autem in errorem vos labi forte contingat, supplices iterum, ut antea vos sæpe fecisse putamus, ad Deum Patrem luminum preces effundite; ac patrocinium, & opem Sancti Dominici Patriarchæ vestri, aliorumque Sodalium vestrorum cum Christo regnantium, quique inter Beatos, vel Sanctos ab Ecclesia coluntur, vobis deposcite; dum Nos interea, qui vestris hinc Comitibus non alio fine intersumus, quam ut vestram in ferendis suffragiis libertatem salvam, & incolumem præstemus, novi Magistri Generalis electionem, à vobis jamjam perficiendam, Apostolica Benedictione nostra prosequimur, & in antecessum amantissime complectimur.




(1) 2. Thomæ quælibet. 8. d. d. quælibet. 4. art. 2. 2. ad
quælibet. 8. d. d. quælibet. 4. art. 2. 2. ad
quælibet. 8. d. d. quælibet. 4. art. 2. 2. ad
(2) 2. Thomæ quælibet. 8. d. d. quælibet. 4. art. 2. 2. ad









Biblioteka Jagiellońska



stdr0026174

